



5. fundur stjórnar L.H. haldinn í Bændahöllinni við Hagatorg 29. maí 1996 og hófst hann kl. 13:30.

Mættir voru:

Guðbrandur Kjartansson, Sigurgeir Bárðarson, Jón Bergsson, Kristmundur Halldórsson, Ágúst Oddsson, Birgir R Gunnarsson, Sigurður Þórhallsson Sigbjörn Björnsson. Kristmundur Halldórsson ritaði fundargerð í fjarveru ritara.

Guðbrandur Kjartansson setti fundinn í fjarveru formanns sem var væntanlegur síðar á fundinn.

1. Úthlutun reiðvegafjár.

Lögð fram tillaga úthlutunarnefndar um úthlutun reiðvegafjár á árinu 1996. Formaður úthlutunarnefndar gerði grein fyrir tillögum nefndarinnar en umsóknir námu samtals 35 milljónum króna. Til úthlutunar voru 10 milljónir króna.

Birgir R og Sigurður Þórhallsson gerðu grein fyrir einstökum tillögum á suðvesturlandi. Kristmundur skýrði frá fundi um reiðvegamála í Gusti með forsvarsmönnum bæjarfélagsins í Kópavogi. Fundarmenn lýstu í meginatriðum ánægju með tillögum nefndarinnar. Tillögur nefndarinnar voru samþykktar samhljóða. Sjá meðfylgjandi sundurliðun á úthlutun.

Formaður Guðmundur Jónsson mætti á fundinn og tók við stjórn fundarins.

2. Framkvæmdaráð LM'98.

Guðmundur, Guðbrandur, Sigurgeir og Halldór Gunnarsson mættu á fund á Akureyri um undirbúning LM'98 8. maí s.l. Fyrir liggur að öll félögin austan Tröllaskaga verða aðilar að mótinu. Síðan var haldinn fundur með félögunum og þar kosin framkvæmdanefnd félaganna um undirbúning mótsins.

Í framkvæmdastjórn eiga sæti Hólmgeir Valdimarsson og Jón Ólafur Sigfússon frá Létti, Þorsteinn Hólm Stefánsson Hring, Gísli Haraldsson Þjálf og Ármann Ólafsson Funa, en öll félögin eiga 2 fulltrúa í framkvæmdanefnd mótsins.

Félögin vestan heiða munu ekki eiga aðild að undirbúningi mótsins. Eftir er að skipa fulltrúa L.H. í nefndina. Í tilefni af fundargerð frá Akureyrarfundinum urðu nokkrar umræður um kvikmyndatöku og kvikmyndarétt frá mótinu. Skoðun fundarmanna var að stefna beri að því að afnema skyldu L.H. á myndatöku frá landsmótum. Samþykkt að tilnefna Sigbjörn Björnsson sem fulltrúa L.H. í undirbúningsnefndina og hugsanlega annan fulltrúa ef ástæða þætti til síðar.

Haraldur Þórarinsson mætti nú til fundar.

3. Fjórðungsmót 1996.

Sig. Þórhallsson rakti nokkur atriði varðandi undirbúning fjórðungsmótsins á Hellu. Kynning meðal blaðamanna verður kl. 17:00 30. maí. Undirbúningur er að öðru leyti í fullum gangi.

Nokkrar umræður urðu um tilnefningu Dómarafélags á dómurum við mótið. Dómaralisti þarf samkvæmt reglum að hljóta staðfestingu stjórnar L.H. Framkvæmdastjóri mun hafa samband við formann Dómarafélagsins um málið.

4. Sameiningarmál, umræða.

Lögð var fram tillaga að lögum nýrra heildarsamtaka skv. tillögu sameiningarnefndar L.H. og HÍS, svo og fundargerð frá fundi 10. maí s.l. þar sem tillögurnar voru kynntar með hluta stjórnarmanna L.H. og HÍS. Farið var yfir tillögurnar lið fyrir lið og þær ræddar. Stjórnin var sammála um að í framhaldi af viðræðum sem nú eiga sér stað við stjórn HÍS væri skynsamlegt að fela formönnum L.H. og HÍS að yfirfara drögin ásamt Sigurði Magnússyni formanni sameiningarnefndarinnar og samræma þau sjónarmið sem fram komu á fundinum. Drögin verði strax send formönnum félaganna til kynningar.

Fleira ekki gert og fundi slitið kl. 17:20

Kl. 17:30 hófst sameiginlegur fundur með stjórnarmönnum L.H. og HÍS ásamt sameiningarnefndarmönnum um sameiningardrögin. Sjá fundargerð hans.

Kristmundur Halldórsson
Guðmundur Jónsson
Haraldur Þórarinnsson
Birgir Rafn Gunnarsson
Jón Bergsson

Sigurgeir Bárðarson
Ágúst Oddsson
Sigbjörn Björnsson